

續修蒙化直隸廳志

卷六

卷之六

藝文志

文各體

詩各體

詞

補遺

續修蒙化直隸廳志卷之六

院司各憲鑒定

通潞劉 塏

監修

五凉席慶年

建水吳 蒲

楚雄宋輝南

徐時行

陽瓜

姚賀泰

續修

藝文志

文 詩 詞

文

記序碑
說賦

記

水朝

題張退菴松鶴圖記

督學
孫人龍 烏程

猶憶雍正癸卯歲建元開科凡舉鄉者華亭相國自計其鄉舉時在康熙癸卯距六十年稱前後同年友都下傳爲佳話歲己酉余年三十七倖售京兆迄今歲己未忽忽十年餘矣方春仲月校士迤西取道蒙化郡郡人張明府退菴弱冠捷康熙己酉闈則余亦六十年後之同年友也承過訪一見歡然問其年九

十有五猶騎馬下上率步履如飛從者競嘆羨謂世
稱地行仙洵匪虛云然余所致敬服於退菴則更有
深焉者當逾藩三桂署僞號煽亂南疆輒妄思延攬
英豪以爲己助獨能抗節不屈逃禪入山迨秉鐸鯁
堂鳴琴花縣皆嘖嘖著賢聲卽今歸休林下謹身修
行亦能化導鄉人是則天之意殆欲長留此碩果爲
一方所矜式固宜永保期頤未有艾也退菴善詩古
文詞兼工畫書每作松鶴圖尤躍躍有生氣蓋以喬
松之操海鶴之姿而悠然寓意於此此固萬君舒伸

跋撫松吟後所云自寫其蒼真者豈不信哉舒仲以名進士官爲人師明府高第也茲持圖索題故卽書此數語以應之倘或傳流人閒當又添爲一佳話也

序

本朝

劉贊翁壽詩序

翰林

孫見龍

烏程

曩余始入滇聞兩迤山川奇麗人物葱鬱而其閒亭特雄偉惟西迤之天耳山爲最又其中絢爛山谷多奇葩異卉意其地必多文人雅客如江鮑徐庾輩挾

其瑰麗之辭以與風月爭鏤刻居有閒蒙人士稍稍
從吾遊者詢之則曰其地多高人隱士邃於學而不
爲世用則相與移花種竹聯琴酒之歡作真率之會
故滇之文獻將在蒙焉戊午秋劉子瑜自蒙來學吾
門觀其質言呐呐然不出諸口意其父兄必有古人
之教叩之則具道其尊人贊翁生平之行事余聞而
喜曰是古所謂隱君子者流耶余得考於古矣昔者
西京之世風氣樸茂故士有帶經而鋤博綜典籍累
徵辟而不就旣則教其子弟敦孝友服詩書以釣弋

名譽爲深恥此人皆有所挾持於其中不屑屑就祿以爲苟且一時之計故足傳也贊翁少負才善讀書以家貧故棄青紫就芒屨淡如也年八十舉丈夫子四贊翁夷然曰余先人世以學繼緒吾又無所顯榮且余慨夫世之教子而以祿者于是花閒林下時袖一編呼四子來爲之辨其義而通其疑彼四子者服膺先生之教行將破壁而飛矣而後乃今贊翁得優游於琴酒之歡真率之會而流連於奇葩異卉閒也贊翁年八十矣神炯炯然日讀書不輟吾安知贊翁

之爲優游流連者不且至期頤耶秋九月適爲翁弧
辰館中多士各賦一律爲翁壽焉言於余以冠其首
余旣喜入滇來不得江鮑徐庾輩而得陳仲弓劉孝
標邴原輩也則蒙之爲奇花異卉者可知矣故樂爲
序焉

陳梅溪學博詩序

教授盧錚石屏

梅溪先生居林下週紀年耄矣左陳元右陶弘兀
而坐興至則脫穎而揮洋洋灑灑或爲韻語蓋風雲
月露幾經雕鐫矣歲久持帙以餉予曰余何詩之云

余惟得意以適己黃金擲虛牝所不惜焉子知詩曷
爲并數語予受讀之超逸閒遠近劍南一派以爲是
祧唐祖宋者而先生曰唯唯否否不然夫詩情也情
動於中發而爲言古者勞人思婦率意成章豈必有
規摩而意之所之自叶音律是耶非耶三唐以來支
分派衍鯨魚碧海巨刃摩天妙矣而老嫗都解何嘗
不各自成家人歷西崑風斯下矣而水清石鑿湍不
受篙坡老且寒肩夜聳聽此寒蟲抑又何說則知空
梁燕泥句固可驚卽楓落吳江寧或多讓余搖毫擲

簡頃刻青紅浮海蜃矣是唐是宋為中為晚奚
計焉予曰然哉然哉請即以子言弁其端可

碑

本朝

朱公祖重建文筆樓碑記

灘縣令張端亮郡人

國家封建之典鑒池築城設郡邑以拱都會猶星拱
辰在昔人必法天象緯度地形勝知有關於風脉者
大也然度具有教溯前之興鑒後之廢能扶衰起敝
毅然後古者則俟乎其人居城建自明洪武二十二

年城方如印中建文筆樓為印柄居

聖宮巽位既壯金湯且培文教三百年人文炳蔚登
科第者蟬聯鵲起有由來也明季樓圯無議修者
古制遂廢

國朝鄉科雖盛歷百年無登第者豈盡劉蕡教減耶
抑或風脉使然康熙辛卯二月予與郡紳士議復古制
各捐公費廣文謝名師錫者董其事築有盤基以工費
不貲而止遲之又久值我朱公祖來蒞茲蘇土下車
甫六月厘剔弊政不勝枚舉又奉命討彙經年平定

俾兵不呼庚癸民不困轉輸托庇匪淺以軍功首薦
平勃有文絳灌有武侯兼有之而尤以培文教爲先
慨交筆樓不能成功捐數百餘金委朱程二廣文并
紳士賢能者分任厥事紳士助修不等亦樂輸以應
鳩工庀材陶灰運甓丕基下奠峻宇上騰於雍正壬
子春起工不數月而樓成朱拱聯雲綺疏凌漢浮烟
近市旣翠且重魏寶來天馬之雄點蒼疊屏風之壘
而東西流峙互相映帶居然一大觀也上奉魁神像
俾學者潛心砥礪德行文章茂著一時科第響應是

歲列鄉薦者三登科第者一業有明驗始信風脉使
然斯舉也議在二十年前終於二十年後非有賢太
守其事不終寢耶昔仲宣作賦於荊州昭明選文於
襄陽皆以登樓著跡傳千古茲循績邁龔黃仙才挾
岑孟爲山川起色爲庠序增輝首建此樓勝跡永垂
不朽爰紀其勝而登諸石

重修拱辰樓碑記

郡丞 李敬熙 旗人

蒙陽去京師萬里然風俗不甚異於中州蓋古蒙詔
舊地也隴岍遺跡相傳至今父老猶能道其詳至山

川豐潤人烟輻輳允推迤西勝區郡城之北樓名曰
拱辰規模宏敞合郡大觀係焉予奉

聖天子命來守是邦樂其地僻而事簡又愛其士樸而
民醇公退之暇欲偕二三僚佐登眺茲樓遠挹山光
平臨郊甸惜無級可登且棟宇朽墜岌岌將圯不禁
愀然於是捐俸鳩工庀材又得士庶共襄盛舉而修
葺之閱三月而功成因名郡人士於其上北望點蒼
出沒隱見殆有瞻雲望極之思乎其東則文華所拱
峙也西望陽江烟波浩浩瓜州遺事猶有存者南俯

溫泉以濯以沿蘭亭勝概於斯見之且樓高而安深
而明冬溫而夏涼雨雪之朝風月之夕予未嘗不往
郡人士亦未嘗不從或諸子言曰自洪武鼎建以來
樓以再易未有遊觀之盛如今日者也我侯來止聿
以新之侯之樂我婦子惠我田疇教我子弟率皆由
此請誌厥功以垂不朽余謝不敏焉夫濟城隍修廢
墜守土職也余何功之與有特以事貴可傳功期能
繼郡人士已請記於督學蔣余乃序於其後願後之
守土者與余同志繼而修葺之庶幾樓之不朽也

新建文華書院碑記

師承黃大鶴如阜

天下不可一日無學故教學之地其學之所資不可
不隨在而立古之善學者其入之也以漸其取之也
務精然必擇一清遠閒曠之所使耳目心思用有
所歛而不紛而後奮發有為之氣畢注於是弗懈
而能及於古管子所云少而習焉不見異而遷焉
二賈且然而況志聖賢之道者乎蒙自崇正書院廢弛百餘
年戊子己丑間予攝篆斯邦頗切達立之志然

王師征緬羽檄紛馳卒未之暇也越十五年宦轍重臨而

前任宋公廣文廬君已得文昌宮舊地闢而大之
郡同志又復踴躍以勸其成予分俸錢別其潤
與飭以堂階飾以牋楹輝以丹堊浚以池壘以橋又
命典守者蒔以蒼植以柳輝映於其間不二年而
絳帳之堂披雪之舍薪火之室游息之樓井然可
觀顧地雖就而學之資仍未之裕也予後偕董事
諸君多方籌畫益以薄俸得谷租百石餘教者薪水
之需諸生紙燭之費小給其中於是延師釋奠鼓篋
授經予簿書少暇刻題課試評以丹黃諸生肄業其